

平山申氏世行錄

序

平山申氏有父子孝者父諱命東字君寶號誠菴官同樞子諱志仁字仁守號敬窩兩世皆聞于鄉按其世行事實父自孩提知能俱良纔學語能讀字稍長通魯論孝經事親至孝冬敲冰得魚夏扇枕却暑以盡志體之養溫清之節及母疾欲研指父病篤刲股延三日九日之命前後居垂不脫經帶不御腥葷日省祿不以寒暑風雨或廢子以父之事父又事父洵可謂有是父有是子也至於山雞登厨松麋草供薦神

明之感也士林并舉其實呈道繡及儀曹而贈旌
之典未及識者恨之申博士鉉中幸州奇慶衍撰狀
錦城吳駿善長興高光善撰碣竹山安秉它陽城李
炳壽撰誌錦城范瑗植密陽朴俊東書其後金叅判
德漢又有叙宋上舍哲憲曲阜孔學源傳閔正憲京
鎬申議官政澈光山鄭圭綜記宋上舍秉奎說申叅
判大均跋申承旨性均撰世孝碑銘金司馬容魯篆
又大特書者海觀尹先生也公肖孫鉉大撫其兩世
實績及諸賢敘述題曰世行錄請余并卷秉彝所同
不揆硯荒敢爲之序

歲庚午仲春嘉善大夫前香山守波澄尹寧求序
聖門以養志歸全之孝爲萬世法者曾氏世奉是耳
湖之南有平山申公諱命東號誠菴諱志仁號敬窩
是爲是父是子其志行亦可爲養志歸全之孝而能
世其家者章章明矣按狀誠菴公學語能學字孝經
論語誦如己言事親志物戚易一無所憾父母病所
指延縷每日謁墓五十年如一日敬窩公示自齧髡
一遵父道父病嘗糞母病剗股六年居廬有雉雀鹿
麋人肩供饌之異兩世天至之孝卓絕之行若立於
聖人之門足可以入論語言孝章而能無愧於曾氏

矣公之肖孫鉉大昊澈于謁圖傳示人情天理不得已之事也於是學士大夫儒林章甫爭以詩文揄揚薦剡褒粹成杏名之曰世行錄囁余弁卷噫遊夏孟氏問孝聖人告之不同辭以此知孝非特一孝而可若人不尊師擇友講學取善而曰吾能事親者殆而故思事親不可以不知人思知人不可以不從事致知之學使一國士林翕然稱鉉大昊澈之學溯而上之曰誠菴敬窩之後又有鉉大昊澈云爾則申氏世行錄尤有光於斯世而真不失闡拔之實矣鉉大昊澈勉乎哉勉乎哉

昔著雍執徐菊秋完山李承旭序

董生之孝不能薦刺史也非董生之孝之不至也然傳之以韓文公筆也吁孝政于一家者也鄉人知之國人知之以刺史薦也若平山申氏誠菴敬齋二公之至行成於家而國人知之道繡己褒之而宗伯與有聞焉雖無文公猶可傳之後世也况邦國之章甫文以彰其幽潛於內詩以風其感應於外與其旌於當日之間孰若旌於來世之萬口也若以刺史之不薦爲輕重於董孝則董孝之聞於今日抑何歟鄉邦之知不知在乎其行之至不至實非有係於鄉邦人

之與不與也然則二公之行如是卓卓豈待人言而
重輕然壽其先德之美子孫之職耳蒐鄉邦長德之
詩若文爲秩旣成謀諸削刷氏鑑大於二公曾孫若
玄孫而托余玄晏者冥蔽於茲大子也余命煥人微
耳文淺耳不敢此筆於此等文字顧世波倒洋人歟
無分此錄行庶幾挽彝天而將以愧世之不子子者
於是乎書

書壬申陽復月慶州崔命煥謹書

叙

凡有至性典型相繩如身之有影聲之有響今於誠

菴申公父子益信矣公諱命東平山人思簡公諱浩
其顯祖忠孝詩禮之傳歷屢世而不斬公承襲有源
知能俱良自幼已然甫學語學字孝經論語謗如己
言承順親意可口適體就養畢至冬致江鮮暑極扇
枕瘠必色憂一再飯惟在視母病嚼指延縷三日父
疾刲股得甦九日外內艱執喪如禮衰絰不去身廬
居閑制霜雪侵苦課晨謁墓風雨不弛終慕如是五
十年餘子諱志仁敬寫公示鄉人所稱錫類者粵在
稚齡動靜語默允合古禮躬養二親悅旨供甘食飲
有餘必請所與定省溫清進止有常父病嘗屎母瘠

割肉六年廬墓雉雀登厨麋鹿致斂式感誠攸致鄉
童甫并舉其行於道繡宗伯樹風將有其日而今天
下晦矣誰能褒旌願公後永聿修公名行以俟清明
之日可也玄孫鉉大涉險紓顧要以一言不敢以無
文固辭

上章敦詳臨之下游前叅判安東金德漢叙

跋

余讀我東方百家孝行錄至誠菴敬寫兩世世行錄
未嘗不捲卷而興歎也兩公之孝不能枚舉而略述
大槩焉誠菴公自孩提良知孝親之道定省之節
食志之誠靡不用極凌寒泣江能致雪裏之魚當暑
扇枕示有夏清之誠嚼指剗股能延父母之壽喪中
哀毀莫非逾節廬居而終制霜雪侵苦課晨謁墓五
十年如一日官至同中樞至於敬窩公至孝根天亦
能繼述父之道侍憲兩親嘗糞剗股之誠至矣且極
六年守墓登真雉雀之應侵松廬鹿之自滅何莫非

孝感之所以致斂於是鄉黨章甫一是齊名而併薦其
行鄉報于道道舉于朝朝家公議掃地尚闕兩世
旌褒之典不徒後承之痛恨宜其有士林之齋嗟也
公姓申氏平山望族忠孝簪笏詩禮淵源世世赫赫
上有壯節思簡二公顯祖後有道學忠孝諸公烈祖
猗歟盛哉公生此華闕以孝聞世乃是後承之趾美
蔭之所暨也噫仰古俯今孝多有之求之一世未
有若公之父子微蹟也况國之公卿鄉之章甫文以
述之詩以頌之者乎敬窩公曾孫鉉大撮其薦狀遺
事反諸賢讚述詩若文合爲一冊託余以跋文其在

宗黨後生景慕之忱倍切興感不避猥越謹書世行
錄之左

昭陽大淵仲秋朔日族後孫從二品嘉善大夫奎章

副提學大均撰

孝子是父孝子是子孝行仁之本父以是道行子以
是道行世行錄成爲此錄者其知道乎孝子諱命東
號誠菴諱志仁號敬窩是爲父子誠菴公事親自孩
提知能甚良惟意是承學詔能學字以至孝經論語
誦若已言定省以時志體俱養隆冬致江鮮亢陽致
枕扇有瘠色憂而一再飯惟視親母患嚼指延三日

命父疾刲股甦九日縷前後喪執禮而哀哀毀逾節
不脫經帶廬居終制霜雪侵苦謁墓終慕風雨課晨
老而不衰五十年如一日敬寫公事親克承父道示
自齟齬動靜合禮及長修身踐言鄉里稱嘉士躬養
兩親承意供甘食飲有餘必請所與疾痛苛癢而敬
抑搔冬溫而夏清昏而定晨而省進止不失尺寸父
嘗糞母瘠割肉六年於廬墓而慮凡奠雉雀登厨
墓松麋鹿致斃鄉人士併舉其行於道繡以至春
曹者二而世級降以執國命者非其人止旌贈與未
於公至行奚足爲重輕於朝家之典不嘗不欠也

公姓申氏系出平山自魏太師壯節公諱崇謙始創
書思簡公諱浩後嗚呼人家誰家祖先不以孝樹立
二公者於世幾人孝固難乎傳子而公能傳之公
受之孝子哉二公君子哉二公此錄行可勵夫末
俗可法於來後矣二公於茲大為高祖若曾祖瞿夫
嘉言善行之湮沒撮鄉道狀及家庭見聞士林詩若
文合為一冊曰世行錄其志行可謂善繼善述而克
修祖德錄既成晃澈以其大人命來求余一言其在
族誼既詳其實事遂不敢辭

屠維協洽之春秋後孫成均館博士茲中謹撰

西高敞之治三十里朝五十里之程于川朱子川之
兩水者曰蘋于江也環西南而山龍而翔鳳而舞張
六皇九皇而笏祖百十里之方丈者曰箕子山也箕
之東岩壁以御屏曰賦興朝鮮岩者禮箕之永光壇
也負壇而南古聖峯者曰箕山書院誠菴敬寫兩申
先生其同德位之主壁也謹按誠翁諱命東敬翁諱
仁是爲父子其學之正孝之至能世其家風嚼指
足三日之母命割股以甦九日之父縷誠翁是也
侍父病而嘗糞欬母瘡而割肉登厨之雀致松之鹿
道繡嘉之敬翁是也申于 朝者再而益未之蒙益

與未於先生德行奚足爲重輕不嘗不爲 朝家之
文典也申氏而南文正郎世範始于羅愛羅之伏龍
寓司僕寺正變麟於先生曾祖行錄之成以鉉犬
先之誠於先生玄孫鳴呼山川之鍾人物也起伏
精靈非一再融結而爲峰巒也見水而止水不離乎
山伏龍必待先生而顯先生之德行卽潛龍而待伏
龍者非耶世行之美爲世所慕安靈于箕山竊想其
肇祖壯節先生之享在平山之太白爲千年之久胚
胎之降兩先生是也今日箕山之暇實賴太白之休
者又非耶山高而水長先生之風也

戊寅陽復月坡平尹環赫謹撰

始之五教源之百行孝也竊觀經史曰養志曰極後
曰血脂曰刲股曰嘗糞曰廬墓此皆章章表著人不
可企及者也追念我高皇考誠菴公府君父子之行
參之經史皆兼兼有之者而賦稟淳敏聲色怡愉讀
音讀孝經論語事親必志禮俱極隆冬致姜盆之汲
元陽致貢堂之扇枕有瘠色憂而一再飯視親母
指延三日命父病刲股甦九日縷前後遭夏蠻
棘盡禮不脫經帶廬居三年霜雪侵苦風雨連壠謁
墓不懈五十年若一日平生以禮法自持凡事之非

禮法者不施於人不行于家家道自正鄉風多化矣
曾祖敬寔公亦以父之事父之道事父自在後提日
勤靜合於禮容及長嘉言庸行爲鄉黨推重志養
親甘旨腥鯪常自度閭而莫不畢給食飲有餘必
言所與溫清以時定省有常尺寸不違父齊嘗糞母
病割肉六年廬墓而慮几奠雉雀入厨泣墓松塵鹿
致斃雖大冬雪天不入烟突蓋二公實行己登於鄉
道繩及大宗伯矣而目今大履傾而倫綱頽貽莊
無階是爲子姓之抑菴嗟我皇祖後菴公夙夜齋戒
生平竭力竟未就及此不肖悚惶無地謹綴家庭巾

己未三月
王流玄
錄於大連
日本

行之遺狀
恭候當也
立言君子
子孫傳焉

旌三綱

國之典也有其行而不舉責在士林有

其舉而

貽羞與不不其有係於世道之污隆耶

若吾五世祖誠菴公暨高祖敬窩公俱有卓絕之

行已有士林之舉而尚未蒙

貽羞之典痛恨奈

何以之國人惜之詩文以贊之世行錄此也鄉人

慕之俎豆以享之箕山院此也潔地禋祀足以樹

風於百世矣荒阡棹楔曷若贈炙於萬口乎先君

子慎默堂公承後菴公未遑之餘緒經紀于此者

累十星霜而不幸中途下世其於罔極之痛尤

何如也乃含冤飲泣撮其誠敬兩祖行狀遺事洎

誌碣院享祝文爲上篇又就鄉道薦狀刪略成文
以諸君子贊述詩文及建祠贊成通文附之爲二
篇合上下成一寫付劄廟氏廣壽其傳嗚呼臣而
忠子而孝婦而烈一也而其爲忠也烈也之本也
者惟孝乎不肖孰是役也痛感吾父祖之兢兢而
多謝諸長德之眷眷焉於是乎記其顛末如右

丙戌二月下浣五世孫昊澈謹書